



САМУРДИН

«Магъарамдхуьруьн район» МР-дин
общественно-политический газет.
Общественно-политическая газета
МР «Магъарамкентский район».

Газет 1951- йисалай акъатзава. № 42 (7862) киш, 30-сентябрь, 2017- йис. Къимет 6 манат.

Ківалах гужлу авун истемишна



АЛАТАЙ ГЪАФТЕДА, арбе юкъуз «Магъарамдхуьруьн район» МР-дин администрациядин заседанийрин залда экстремизмдизни терроризмдиз талукъ яз гегьенш форум къиле фена. Форумдин ківалахда МР-дин Администрациядин къил Фарид Агъмедова, райондин прокурор Марат Казиахмедова, МВД-дин отделдин начальник Магъамедагъа Эминова, общественный, диндин организацийри, школайрин директорри, хуьрерин къилери ва райондин массовый информациядин такъатрин векилри иштиракна.

Форум «Магъарамдхуьруьн район» МР-дин Администрациядин къил, АТК-дин председатель Фарид Агъмедова ачухна ва къиле тухвана.

Форум ачухай райондин терроризмдиз акси комиссия-

дин председатель Фарид Агъмедова къейдна хьи, Рамазан Абдулатипова агъалийрин хатасузвал хуьн гьукуматдин органрин ківалахда къилинди яз эцигнава ва чкадин самоуправленийрин органрин къуватар сад авуна терроризмдизни экстремизмдиз акси ківалах гужлу ийидай мумкинвал гуда. Форумдал рахай райондин прокурор М. Казиахмедова, МВД-дин отделдин начальник М.Эминова гъялзавай месэлайрин ва и рекъяй ківалах гужлу авун патал къабулна кванзавай серенжемрин гъакъиндай чпин фикирар лагъана, веревирдар авуна.

Общественный палатадин председатель Агъдаш Нагъметуллаева вичин рахунра лагъана,- келелиз ва ківалахиз Сириядиз физвай Дагъустандин жегилприкай рахайтла, гъакъикъатда абур террористрин дестейрик

экечизава-даварна ада. -За къейдзава хьи, Сирияда са джихадни авайди туш. Ана бандитарни террористар ава, абур законлу властдихъ галаз женг члугвазва. Аниз фенвайбуру Сирияда дяве тухузва, пака Дагъустандиз хтана, абур са тахсирни квачир ислягъ аялрин, дидей-

рин, бубайрин ва къайда хуьдай органрин векилрин чанариз къаст ийида.

Форумдин эхирдай АТК-дин председатель Фарид Агъмедова терроризмдиз рехъ тагун патал къайда хуьдай органри, чкадин самоуправленийри, общественный ва жегилрин тешкилатри, мисклинрин имамри диде-бубайрихъ, хуьрерин жемятдихъ, жегилприхъ галаз санал профилактикадин серенжемар тухвана, агъалийрин хатасузвал хуьнин ківалах гужлу авун герек тирди къейдна.

Эхирдай экстремизмдай ва терроризмдай чпин везифаяр гъакъисагъвилелди, дурумлувилелди тамамарунай Гьуьрметдин грамотаяр вахкуналди форум акъалтарна.

ЖАННА.

ДУЪЗДАЛ АЛАЙ ДЕГИШВИЛЕР



ЭХИРИМЖИ са шумуд йисан вахтунда муниципальный райондин Администрацияди амай хилерихъ галаз сад хъыз образованиедин хел вилик тухуниз къетлен фикир гузва. Бюджетдин четинвилеризни тамаш тавуна клелунин, тербиядин ва методикадин квалах хъсанарунихъ галаз сад хъыз, школайрин, садикрин куьгъне дараматар ремонтзава, абур тадаракламишзава, тлебии газдалди, целди, экуьналди таъминарзава, са бязи хуьрера бюджетдин мумкинвилериз тамашна типовой школайрин цлийи дараматар эцигнава ва эцигни хъийизма.

КВЕЗ агъадихъ галай шикилдай аквазвайди Ярагъкъазмайрин типовой школадин цлийи дарамат я. Пуд мертебадин школадин дарамат эцигна къавни яна куьтягнава, рак-пенжер кутунва. Алай вахтунда къенепатан квалахар къиле тухузва. Школадин дараматдила гъейри ина спортдин зал,

аялриз тлуьнар гудай столова-яни ава.

Ина квалахар лагъайтла лап йигиндиз физва. Килиг садра, школа эцигиз башламишна са шумуд варз я алатнавайди. И вахтунда авунвай квалахрин нетижадикай рахун герек къевезвач, квез агъадихъ галай шикилдай вири аквазва.

Ихътин йигин камаралди квалах вилик финин къилин себеб, квалах дуъз тешкилуни, гъакъисагъ зегъметдин, эцигунардай стройматериалар, герек маса тадаракар вахт-вахтунда чкадал агакъаруни нетижа я.

Вири и квалахрин къиле «Магъарамдхуьруьн район» МР-дин Администрациядин къил Фарид Загъидинович Агъмедов акъвазнава. Гъар юкъзу ина ийизвай квалах Фарид Загъидиновичан гуъзчивилик ква. Гъар гъафтеда ада анал къил чулгузва, авур квалахрин нетижаяр къазва, ва анал зегъмет чулгузвай устлариз къиметлу меслятар гузва. Абуру авур квалахар ахтармишзава, са гафуналди школа эцигна куьтягунин гъерекат гъеле са юкъзунни акъвазарнавач.

Эцигунарзавай подрядчикрин гафаралди, йисан эхирдалди школадин эцигунрин ва тадаракламишунин вири квалахар акъалтларна куьтягда ва школа ишлемишиз вахкуда.

Р. МУРАДАЛИЕВ.



АЯЛАР ПАТАЛ



МАГЪАРАМДХУЪРУЪН сад лагъай нумрадин школада аялар тербияламишунихъ элкъурнавай гзаф крар кыле тухузва. Абуруз экуь, михьи

классра тежрибалу малимри неинки тарсарни, тербия гузва, гъакI 1-4- классра клелзавай бур патал тIуьнар гунни тешкилнава.

2003- йисалай школада тIуьнар гъазурдай чка кардик кутунва. Ана ашпаз Муталибова Зарият Гулялиевнади, куьмекчияр тир Закиржаева Гуьлмира Атаевнади, Ярметова Шагърузата кIвалахзава. Гъар йикъан гъакъисагъ зегъметди абур аялрал ва пешедал рикI алай инсанар тирди субутзава. Гъар юкъуз сятдин 7- далай башламишна абур 280 аялдиз абурун иштягъдив къадай хуьрекар гъазуриз гузва, хуьрекарни лап тIямлур ва гъакI жуьреба-жуьреbur яз гъазурзава.

«Чаз кухняда лазим тир къаб-къажак, чими ва къайи ятар, къапар чуьхуьдай чкаяр, чаз вири шартIар ава», - лугъузва ашпаз Муталибова Зарията. Кухняда ва столоваяда гъамиша михивал хуьзва.

ЖАННА.

РикIе гъуьрметдин гуьмбет яз амуькъда

УМУЪРЛУХДИ инсандин сагъламвал патал женг чIугур, пак буржидиз тамамвилелди къуллугъ авур, пешекарвиллин рекъай дерин чирвал авай, тIазвай инсандин куьмекдиз йифизни кваз атай, гъар са инсандиз хатурай, хайи районда хъиз амай лезги районрани инсандин тIалдиз мукъва хъана багъривал авур, вишералди инсанриз уьмуьр давамдай мумкинвилер багъишна, мецелай къведай келимани кваз дармандиз эвезай, галатунни юргъунвал уьмуьрдин эхиримжи легъзейралди вуч затI ятIа чир тахъай багъа хва, играми стха, гъуьрметлу инсан, къиметлу лукъман Абдурагъим Рагъимов чи арадай бед тIалди чавай уьмуьрлухди

къакъудна лагъай пашман хабар агакъна.

АкI хъана хьи заз, на лугъуди сад лагъана виридалайни экуь, къатиз экв гузвай лампа хкахъна, мичIивални ичIивал гъиссзава ам чидай, адав рахай, ада куьмек гайи гъар са инсанди.



Гъайиф, гъайиф...



Вишералди къиникъикай, Къутармишна на инсанар. Къейилани гъайиф чилик, Кутаз вун хътин Лукъманар.

Начагъди на руьгъламишдай, Хуьзвай тек са рапаралди. Шумуд кIубан яз хъфена, Патав атай капаралди.

Беденда вуч тIал аватIа, Вилерайни чирдай вуна,

И ван галуькайла, дериндай хажалат чIугузвай инсанрикай сад зунни Филерин юкъван школада тарсар гузвай малим, гъар Рагъим духтур акурла адаз дамахдив килигиз адал гъейранвал авурбурукай сад.

Лугъуда хьи, хъсанвал квахъдач. Рагъима авур хъсанвилер гъар са касдин рикIе гъуьрметдин гуьмбет яз амуькъда.

Алимди хъиз къил акъуддай, Гъар са тIалдин сирдай вуна.

Гъайиф, гъайиф машгъур духтур, Чи рикI алай Рагъим фена, РикI пешедал алаз вичин Халис духтур Рагъим фена.

АЙНА,
учительница,
Филерин хуьр.

БУТҚАЗМАЙРИН ХУЪРЯЙ ХАБАРАР

САДВИЛИН ЮГЪ

МАГЪАРАМДХУЪРУЪН райондин Бутқазмайрин хуъруън юкъван школада Дагъустандин халкъарин садвиллин йикъаз талукъарнавай шадвиллин мярекат геъгеншдиз къейдна.

Садвиллин йикъаз талукъарнавай шад межлис тербияламишунин рекъай школадин директордин заместитель Гъасанова Камаледи

ачухна ва къватл хъанвайбуруз сувар мубаракуналди Дагъустан ва дагъустанвияр патал адан метлеблубликай лагъана.

-Сувариз гъазурвал акун патал, къейдна Гъасанова Камаледи,- келзавайбурун арада классный руководителри члехи къвалах тухвана.

«Зи хайи Ватан», «Зун Дагъустанви», «Чун мягъкем

дуствилелди къуватлу я» школада ачух тарсарин сяттерни тухвана.

Мярекатдал рахай классный руководителри 15- сентябрдин югъ Дагъустан республикадин тарихда къетлен метлеб авай югъ яз гъатнавайди къейдна.

Гуъгуънлай члехи класрин аялри Дагъустандин халкъарин манийрикай, ширрикай, къуълерикай ибарат тир члехи концерт гана.

ШАИРДИХЪ ГАЛАЗ ГУЪРУЪШ

МАГЪАРАМДХУЪРУЪН райондин Бутқазмайрин хуъруън культурадин маканрикай тир медениятдин Къвалин библиотекада, Дагъустан республикадин культурадин лайихлу работник Магъамедов Айдуна кыле аваз, библиотекарь Мирзеагъаева Жавгъарата, Россиядин писателрин союздин член тир, бажарагълу шаир Исмаилов Агъаларан яратмишунриз талукъарнавай межлис кыле фена.

Исмаилов Агъаларан «Сифте муъгуъббат», «Кимин къванер», «Иифиз къватлай чиг», «Уъмуърдин мензилар», «Мураддин мурз», ктабри медениятдин библиотекада къетлен чка къазва.

Хуъруън жегъилри, агъсакъалри вахт хъайила адан шиирар келзава ва менфят хкудзава,- лагъана Жавгъарата.

Межлисдал рахай, аял члавалай санал члехи хъайи чпин дуствал садрани квадар тийизвай Саидов Селима, некледин стха Саидов Эседуллагъа, школадин малимар тир шаир Агъмедов Мукаила, Желилов Желила ва масабур шаирдин уъмуърдикай геъгенш суъгъбетар авуна.

Школада лезги члалан ва



лезги литературадин тарсар тухузвай Букарова Фатума учительницади, вичин школада келзавай аялрихъ галаз атана, шаирдин шиирар ва шаирдиз туъкълурнавай шиирар келна.

Вичин нубатда шаир Исмаилов Агъалара гуъруъш тешкилайбуруз чухсагъл малумарна, вичин шиирар келна ва вич квел машгъл ятла лагъана.

-Зун гзаф шад я, зи жематдилай, зи лезги чликай, Алагътаалади лезги члалакай пай ганва лагъана.

Лезги чилел за муг эцигна багъ кутуна ва гъар йисуз уъмуърдин юлдаш ва хтулар галаз ял ягъиз лезги чилел хквезва. Къвед лагъай мертебадин пенжердин вилик ацукъна чай хъваз зун багъдиз килигиз цийи шиирар

яратмишзава, ахпа эвична жуван багъдин бегъер къватл хъийизва. За жуван лезги чилел, лезги члалал дамахзава абур зи берекатар я, лугъузва шаирди. Салманов Усмана (кларнет), Саидов Равшана (члагъан), Бабаев Илагъудина (далдам), Магъамедов Айдуна (саз) ягъуналди, медениятдин Къвалин художественный самодеятельностди вичин къвалах башламишна. Магъамедов Айдуна «лезги чил», Букарова Фатумади «Къакъан дагълар», «Алагъузли», шаир Исмаилов Агъалара «Свас хквезва» ва «Беневша» манияр лагъана. Эхирдай межлис чайдин столдихъ давамарна.

Желил ЖЕЛИЛОВ.



САГЪЛАМВАЛ

ЦИЙИ АППАРАТ КАРДИК АКАТНАВА

АВГУСТДИН сифте кыле-ра «Мама Патимат» тивар алай перинатальный центр-диз вахт жедалди хъанвай аялриз лазерный коагуляция ийизвай аппарат ханва.

Ихътин савкват центр-диз «Право на чудо» тивар алай мергьяматлу фондуни багъишна.

И аппаратди вахт тамам тахъанмаз хъанвай аялар буъркьювликай кутармиш-дай мумкинвал гузва. Республикадин афтальмологиядин отделениедин заведующий Руслан Тагирбегова кьейд авурвал, эгер хаталувилини дестедик квай аялриз, вахт

тамам жедалди хъанвай, вахтунда куьмек агакяр тавуртла, миьиз буъркьюв хъунин хаталувал ава. Кьейд ийин хьи, и аппарат республикада кьвед лагъай аппарат я. Сад лагъай аппарат республикадин аялрин клинический Кураеван тиварунихъ галай больницада ава.

Алава хъийин, аппаратдин кьимет 700,000-дихъ агакьна я. И аппаратдал операцияр авун патал пешекар духтурри федеральный махсус чирвилер кьачузва.

«Право на чудо» благотворительный фондуни програм-мадин координатор Юлия Ер-

малаевади лагъайвал и организация кардик кваз кьве йис я.

И кардин бине эцигай кас, вахт жедалди хъанвай аялдихъ галаз алакьа хъанвай ва жедалди адахъ гел-кьвенвай ва дишегъли велед кивачел акьалдарай диде я.

Гъакни и йикъара Дагъустандиз, кафедрадин доцент, клинический патологический анатомиядин Российский национальный медуниверситетдин Пирогован тиварунихъ галай компаниядин учредитель «Мамины руки» Дмитрий Жакота мугъман хъанвай. Дмитрий Жакотади реабилитацияда вахт жедалди хъанвай аялриз гъар жуьредин савкватар пишкешна.

ЦИЙИ УЗИ-ДИН МУМКИНВИЛЕР

КИВАЧЕЛ заланбурувай гила республиканский клинический больницада ЗД ва НД УЗИ тухуз жеда-хабар гузва «Дагестан» РИА-ди здравоохранениядин министерстводай.

Цийи премиум классдин аппаратди жезмай кван дуьздаказ аялдин кьенепатан органриз тамашдай ам гада, руш яни тайинардай мумкинвал гузва.

«ЗД» ахтармишунри аялдин еке шикил кьалурзава. А шикилда бицлек авайвал гьикл ятла, гъакл кьалурда. Ихътин УЗИ аппаратдин куьмекдалди бицлекан гьерекатриз, кьилди бедендин паяриз, лап тупларизни кваз килигиз жеда, аялди хъуьруьнарзавайла, сив кьакьунзавайла, гьилералди чин кьевдайла керчекдиз аквазва. Лап эвел кыляй бицлекан кье-

непатан органар ахтармишунин нетижада вахтунда хаталу уьзуьрар винел акъуддай ва абурун вилик пад кьадай серенжемар тайинардай мумкинвал гуда-хабар гузва здравоохранениедин министр Танко Ибрагьимова.

Аппаратдин кьимет 16000 000 мл. манатдила алатзава. Ихътин тадаракрин (оборудование) кьадар уьлкведа санлай кьачурла цудалай паратуш-Москва, Санкт-Петербург, Дальний Восток.

Къенин юкьуз им региондин государственный учреждение кардик квай са аппарат я. Больницадин пешекарри лугъузвайвал, эхиримжи несилди аппаратдин куьмекдалди гъар юкьуз кьадалай пара ахтармишунар кыле тухузва.

ЖАННА.

КВЕЗ ЧИДАНИ?

СА килограмм тежил арадал гъун патал 500 литр яд герек я.

АЗАРАР алудун патал инсанди векьер, хъчар дегъ заманайрилай эгечлна ишлемишзава. И кардин гъакъиндай сифте кхъинар шумердин халкьари авуна, чал агакьна. И халкьар гилан Ирандин сергъятра чи эра кьведалди 6000 йис вилик яшамаш хъана.

Шумердин «духтурриз» набататрин танрикай, пешерикай, дувулрикай азарар алуддай ва хирер сагъардай миже, гъуьр гъазуриз чидай.

ИНСАНАР ПАТАЛНИ ХАТАЛУ Я

ГЪАЙВАНРИК акатзавай чклидай хейлин азарар инсанар патални гзаф хаталу я. Гзаф дуьшуьшра абур инсанрик, азарлу гъайванрихъ галаз алакълалу хъайила, азарлу гъайванрин як ва маса продуктар тлуьрла акатзава.

Гъайванрикай инсанрик акатзавай чклидай азаррикай Сибирдин язва, чахутка, бруцеллез, пехъивал, ящур, сап (сакъав азар) иллаки хаталубур яз гъисабзава.

Сибирская язва - ам лап фад чклидай вири жуьредин гъайванрик акатдай, инсанарни бедбахтвиле твадай азар я.

Ам арадал гъизвай микроб гзаф дуьшуьшра накъвадик, фитерик, гъайванар авай тевлейрин полдик лап яргъл йисара (гъатта виш йисуз) яшамеш жезва. И кар фикирда къуна азар чкун тавун патал и азардик къейи гъайвандин хам хтлунун клеветай къадагъа я. Ам сифтедай куда, ахпа чилик кутада.

Азар акатуни себепар гъар жуьрединбур ава. Сагъ гъайвандик азар чуьлда, тевледа, са мус ятлани азардик къенвай гъайвандин амуькайрин микробрилай, накъвадик гелкъведайла, азардик къейибур алаждайла, як, продуктар ишлемишайла акатзава.

Азар чуьлуруниз тветверери, ветлери, бувунри, гъакл иви хъвадай маса гъашаратрини куьмек гузва.

Хаталу и азардин вилик пад къун патал вуч авуна кланда? Колхозринни совхозрин руководителри, фермервилин майишатри, хсуси гъайванар авайбуру вирида чпихъ авай мал-къарадиз (малариз, лапагриз, балкланриз, ваклариз) садни хкуд тавуна Сибирдин язва-

дин азардиз акси рапар яна кланда.

Эгер паталай гъайи гъайван хъайитла, чарасуз яз ветеринарний идарадиз хабар гана кланда. Рапунин таъсирни тамам йисан къене кумукъзава.

Гъайиф хьи, алай вахтунда гзаф хуьрера азаррин вилик пад къадай серенжемар къабулзава. Малар акатай чкадал туклвазва, як ветеринарний пешекарриз къалур тавуна маса гузва. Ихътин гъалариз иллаки Гъепцегърин, Усурин, Советск, гъакл бязи маса хуьрера рехъ гузва. Инра ветстанциядин справкаяр авачиз гъайванар туклвазва, ахтармиш тавунвай яklar гъарнихъ рекъе твазва, инсанар датлана шаклувилик кутазава. Риклеп хкизва: ветработникрин печать алай справкаяр авачиз як маса гудай ихтиярар садазни авач. Ахтармиш тавунвай як къачунни дуьз туш.

Инсанар патал чахутка, бруцеллез азарарни гзаф хаталу я. Вучиз лагъайтла, и азарарни инсанрик начагъ гъайванрихъ галаз алакълада хъайила, микробар квай продуктар тлуьрла акатзава. Муькуь патяхъай, чахутка квай касдикай гъайванрихъни азар галуькай дуьшуьшар тлимил хъанвач. Чахуткадин азар къара маларик, лапагрик, верчерик зооветеринарний профилактикадин къайдайрал амал тавурла акатзава. ИкI тахъун патал мал-къара авай гъар сада гъайванар ветеринарний духтурив ахтармишиз тун, азар квани-квачни чирун чарасуз я.

Бруцеллезни инсандин сагъламвал зайифарзавай азаррикай сад яз гъисабзава. Ам пуд жуьре ава. Лапагрин жуьре иллаки хаталуди яз гъисабзава, и азар инсанрикни

фад акатзава. Бруцеллездин азардик вири жуьредин гъайванарни начагъ жезва. Кылин чешмени азарллубур я. Рахун физвай азар галуькай калери данаяр, хиперини клелер гадарзава. Гъа и вахт гзаф хаталуди яз гъисабзава. Вучиз лагъайтла и вахтунда азар чуьлуниз гегъенш мумкинвилер, шартлар яратмишзава. Адан вилик пад къун гъар садан буржи хъана кланда. Кылди къачуртла гъар йисуз ветеринарний пешекарри гъайванрилай ивиар къачузва. И кар патал иесийри чпин малар вахтунда тайинарнавай чкадал гъана кланда. Азар квайди малум хъайивалди ам нехирдикай жкудда, духтурдин гуьзчивилик кваз туклвада, як лап хъсандиз ргана неда. Бруцеллез квай малар хъайи гъаятар, тевлеяр, парахар михъна дизенфекция ийида.

Инсанар пехъи хъайи дуьшуьшар тлимил авач. Идан себеб инсан пехъи кицли, каци, жанавурди класун, гъа ихътин къарамаларихъ галаз алакълаяр хъун я. Инсанрик кицлерал жедай шарарилайни, трихенелез азар квай ваклан як ишлемишайлани инсан пехъи хъун мумкин я.

Россиядин федерациядин ветеринарний рекъяй къабулнавай законрин бинедаллаз чпихъ хсуси гъайванар авай гъар са кас зооветеринарний профилактикадин къайдаяр къиле тухуниз, азарлу гъайван малум хъайивалди ветеринарний пешекарриз хабар гуниз, начагъбур тади гъалда сагъбурукай чара авуниз мажбур я.

Б. БЕГОВ,
райондин ветеринарний
управлениедин
начальник.

В ПРОКУРАТУРЕ РАЙОНА

Возбуждено уголовное дело

ПРОКУРАТУРОЙ району с привлечением сотрудников ОМВД России по Магарамкентскому району проведена проверка исполнения законодательства при установлении и нахождении лиц под административным надзором.

В отношении жителя с. Хтунказмаляр Магарамкентского района А. судом установлен административный надзор сроком на 6 лет, ему определены ограничения в виде обязательной явки в ОВД по месту жительства или пребывания 3 раза в месяц для регистрации; запрет пребывания в местах, осуществляющих реализацию алкогольной продукции на разлив; обязанности находиться по месту жительства в период времени с 22 часов до 06 часов и запрет на выезд за пределы Магарамкентского района.

А. в течение года неоднократно нарушались установленные ограничения, за это он привлекался к административной ответственности по ст. 19. 24. КоАП

РФ (несоблюдение административных ограничений и невыполнение обязанностей, устанавливаемых при административном надзоре).

Помимо этого,

08.09.2017 А. совершил административное правонарушение, предусмотренное ч.1 ст. 20.1. КоАП РФ (мелкое хулиганство). Постановлением судьи Магарамкентского районного суда А. назначено наказание в виде штрафа в размере 500 рублей.

Тем самым, допустив указанные нарушения. А. совершил неоднократное несоблюдение установленных в отношении него ограничений, установленных ему судом в соответствии с федеральным законом, сопряженное с совершением данным лицом административного правонарушения, посягающего на общественный порядок и общественную безопасность, т.е. преступление, предусмотренное ч. 2 ст. 314.1.УК РФ.

По материалу доследственной проверки, направленной прокурором в орган предварительного следствия для решения вопроса об уголовном преследовании, постановлением от 19.09.2017 дознавателя ОМВД России по Магарамкентскому району в отношении А. возбуждено уголовное дело по признакам преступления, предусмотренного ч.2 ст. 314.1.УК.РФ.

М.КАЗИАХМЕДОВ,
прокурор района,
старший советник
юстиции.

Выявлены нарушения

ПРОВЕДЕННОЙ прокуратурой Магарамкентского района проверкой, направленной на предотвращение нарушений лицензионного заключения при осуществлении фармацевтической деятельности, выявлены факты осуществления индивидуальными предпринимателями фармацевтической деятельности в аптечных пунктах, расположенных в селе Магарамкент Магарамкентского района, в отсутствие соответствующей лицензии.

В связи с выявленными нарушениями требований федеральных законов «Об обращении лекарственных средств» и «О лицензировании отдельных видов деятельности» прокуратурой района в Арбитражный суд Республики Дагестан 13.09.2017 г. направлены 2 заявления о привлечении к административной ответственности индивидуальных предпринимателей за совершение правонарушения, предусмотренного частью 2 статьи 14.1. КоАП РФ (осуществление предпринимательской деятельности без специального разрешения (лицензии), если такое разрешение (такая лицензия) обязательно (обязательна)).

М.КАЗИАХМЕДОВ,
прокурор района,
старший советник
юстиции.

Адетриз вафалу хъунай



акъудун патал ийизвай чалишмишвилерни къейдна.

Министрдин заместитель Марита Мугадовади Россиядин халкъарин адетдин культурадин центрайрин кваллахдикай доклад авуна. Адан рахунрай малум хъайивал, алай вахтунда республикада культурадинни ял ядай 997 идара ава, анра 325 центр арадал гъанва. Алай йисуз абурун иштираквал аваз 416 мярекат кыле тухванва. Мярекатра 9 агъзур касди иштиракна.

ДАГЪУСТАНДА кардик квай Россиядин халкъарин адетдин культурадин центрайрин кваллахдиз талукъ яз Махачкъалада кыле феи РД-дин культурадин министерстводин коллегиядал Магъарамдхуьруьн райондин ЦТКНР-дин кваллах къейдна. Месэлаяр веревирд авунин мярекат тафаватлу хъанвай къуллугъчийрив РФ-дин ва РД-дин культурадин министерствойрин грамотаяр вахкунилай башламишна.

Зарема Бутаева цинин йисуз культурадин хиле авунвай кваллахрикай рахана ва Россиядин Президентдин «майдин» Указар кылиз

М. Мугадовади Магъарамдхуьруьн районда кардик квай ЦТКНР-дин кваллах хъсанди яз къейдна. Дагъустандин халкъарин адетдин культура хъунай, виликди тухунай Зарема Бутаевади райондин культурадин отделдин директор Эседуллагъ СЕЛИМОВАВ министерстводин патай чухсагъулдин чар вахкана.

СТХАЯР ЧУН Я, АММА...

ПУДКЪАД йис я Къибле патан Дагъустанда лезги районрин хуьрера урус члалал тарсар гуз. Чи аялриз члал тийижиз малимриз лап четин жезвай урус члалал тарсар тухуз. Урусатдай атанвайбур тир малимар хуьрериз, я чаз гъабрун, я гъабруз чи члалар бегъем чидачир, гъакл хъайила чун сад садал жеда гагъ-гагъ хъверериз. Сифте кыляй алахъдай чун манияр хъиз чириз тарсар хуралай. Са арадлай лап клан хъана чаз урус члал, фад гъатна чун гъавурда, зегъмет фенач гаралай.

Ингъе, гила пудкъад йисан девирда шумудни са несилар чи хкаж хъанва урус члалан куклушриз. И кардал чун шад я вири, мадни фирай виликди, аферин чпиз. Амма им чаз лагъай гаф туш гадра дидед члал гъуьлуьз. На хъсандиз ваз чирнавай урус гафар гъиз, риклелай алуднавай лезги члалаз клан жемир лапаш ве гъиз. Эгер уьтквем хва ятла вун лезги дидедин, адан члални гъакл михъиз хуьх къаст аваз риклин.

Тефир твазвач чна ерли чи стхайрин арада, рекъяй фидач чун садрани айиб гъидай чарада. Чи гаф сад я инсаният амай къван: Россия гъундуьр къакъан, багъа Дагъустан, диде Лезгистан!

М. ЖЕЛИЛ.

ФИКИРАР

* Ахмакъдин кыл вич себёб яз, акъуллудан кыл ахмакъ себёб яз тлар жеда.

* Вилер, нер алдатмишиз жеда, анжах руфун- ваъ.

* Гъар са дерт-гъам дустарихъ галаз пайиз жедач,

вучиз лагъайтла, акъван дустар ваз жегъидач.

* Гъуьжетар гъакъикъатдихъ цигелвиляй, чурьуькар жуван артуханвал успатиз алахъзавайвиляй арадал къевезвайди я.

**Къилин редактор
А. А. ИСМАИЛОВ.**

Редакциядин адрес:
368780. РД, Магъарамдхуьруьн район, Магъарамдхуьр, Ленинан куьче.

Газет гъафтеда садра акъатзава.

Учредители: Муниципальная районная администрация «Магарамкентский район» и коллектив журналистов редакции районной газеты «Самурдин сес» (Голос Самура).
Адрес: 368780. РД, Магъарамдхуьруьн район, Магъарамдхуьр, Гагаринан куьче, 2.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

Чап ийиз вахкудай вахт - 16.00.
Чапун патал къул члугуна- 15.00.

Газет ООО «Самур» типографияда гъазурна ва гъана чална. Типографиядин ва издателдин адрес: 368780. РД, Магъарамдхуьруьн район, Магъарамдхуьр, Ленинан куьче. Лезги члал.
Индекс 63340. Тираж 1400.
Заказ № 42.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

6+